

477

HERMENEUTICI.

478

sacrificio addendo &c. XIX. *De agno vel victima paschali allegoria.* XX. *Allegoria et descriptio Arcæ foederis.* XXI. *Variae sacrificiorum et holocaustorum allegoria.* Ita Libri sequentes hujus I. *Voluminis* agunt de *Binario, Ternario, Quaternario* et *Quinario*, quibus subnexus est totius Operis *Elenchus.*

CLXX. VIII. 9. 10.

586

Volumen II. Folior. usque ad 690. procurrentium incipit a *Libro VI.* qui de *Numero Senario* tractat, definitque cum *Libro XX.* quo *Millenarius*, ejusque *Progressus* varii illustrantur. De *Autore* id adjiciendum videtur, fuisse eum fratrem *Georgii Stengelii Jesuitae*, confundique quandoque *Opera*, quibus *Par istud Fratrum πολυγραφον* Remp. *literariam* auxit.

CLXXI. VIII. 9. 15.

591

Codex membraneus lat. *Sec. XII.* *Folior.* 209. 4. probe scriptus, rubricisque distinctus sequentia continet: I. *Incipit prefatio in collectione distinctiva de diuersis Acceptionibus verborum.* Initium: *Diuersas in sacra scriptura uerborum acceptiones minus studiosis lectoribus colligere curavi &c.* *Hinc est quod inter occupationes plurimas tam mee paupertati quam amicorum utilitati consulens. multiplices sacre scripture paginas percurri. doctorumque uolumina lustravi &c.* Primum, quod tractat, Ver-

bum *Aqua* est, de qua sic: *Aqua spiritui sancto comparatur quia refrigerat ut ipse.* *Vnde spiritus sanctus superueniet in te et virtus altissimi obumbrabit tibi.* *Reficit. ut ipse.* *Vnde venite ad me omnes qui laboratis et onerati estis et ego vos reficiam.* *Et aqua sapientie salutaris potabo illum.* *Semper fluit ut ipse.* *Vnde spiritus ubi vult spirat.* *Igitur est aqua refrigerans. Aqua reficiens. Aqua rigans.* &c. Ita deinceps nullo seruato ordine diuersa *Scripturae* *Sensa* literaliter aut allegorice exponuntur, comparantur, illustrantur, nullo *Doctorum*, quos *Autor* se lustrasse supra dixit, nomine expresso. Neque mihi de ejus nomine, aut patria est, quod dicam, nisi quis *Germanum* velit ex eo, quod in *Titulo de Pane fol. 42.* scribit: *sicut Zuchare uel alia species solet diutius in ore teneri ob sui saporem.* Claudis ille *Collectionem* suam his verbis: *Et ego gratias semper agam domino et eum laudabo et finem faciam in hoc scripto.*

II. *fol. 112. p. 2.* sequitur *Sylloge Sermonum* facile *LIV.* ut plurimum brevium, ejusdem, ut videtur, *Autoris.* *Themata* varia sunt, de *Festis Domini*, de *B. V. de Apostolis* et *Confessoribus* generatim, de *S. Johanne Bapt.* *Praeterea de Canticis, de Levitis, de Triplici Mensa, de Apocalipsi, Sermo penitentialis, et moralis &c.* Initium *Sermonis I. In vigilia Nativ. domini* est: *Propter hoc sciet populus meus nomen meum in die illa &c. fidelis*

lis sermo et omni acceptione dignus &c. Neque hic Patrum usus nominatim, sed perpetuus Scripturarum Cento. In *Serm.* tamen *Penitentiali fol. 170.* Gregorium citari video.

III. fol. 195. p. 2. *De mundi principio.* Initium: *Quando factus est mundus in initio creaturarum dei. in quo die in diebus mensis et in quo die in diebus septimane. et in quo anno et in quo tempore. si in die an in nocte. et in qua hora interrogamus. &c.* In equinoctio et die dominico et in communi anno secundo in ogdoade et in prima hora creatus est &c. Atque ita deinceps de ratione Mensium, dierum, horarum &c. Discipulorum Institutio esse videtur; praemittitur enim inscriptioni supra adductae: *Tribus premissis magister de historia tractat.* Quae vero illa tria, aut quis *Magister?* Eruitione certe inferior *Beda, Isidoro, Alcuino et Rabano*, ut ex iis patet, quae de Appellatione Mensium apud Romanos adfert, ubi *Numam pamphilium et Zingium duces* legas.

IV. fol. 202. p. 2. et deinceps Rubricae: *de mensis et escis. De potu. de Vasis escariis. De Vasis coquinariis.* Et miro nexu: *De heresibus christianorum.* Deprompta sunt haec, quamvis tacito Autore, ex *Isidori Hispal. Originibus*, et quidem Rubricae IV. priores *Libri XX. Caput I. II. III. IV. et VIII.* constituunt; ultima vero *Libri VIII. Caput V.* Sub initium C. I. Noster rectius legit: *Accubitum a cibo vocatum*

quasi ad cibitum epularum, ubi Editio Breuliana *ad cubitum epularum.* C. ult. *Aerianos* Haereticos probe ab *Aetianis* distinguit, quos utrosque *Breulius Aetianos* fecit. Sed et reliqua conferri merentur.

CLXXII. VIII. 7. 5

Codex membraneus lat. Sec. 461 XV. Folior. 64. 4. per duas columnas minute exaratus, rubricis distinctus, aevoque ac usu sic factis adtritum hoc Rubro est: *Incipit Morale compendium figurarum biblie editum a fratre Anthonio de Janua* —. Praefaminis initium: *Religiosis in christo dilectis studentibus neapolitani conuentus fratrum heremitarum ordinis sancti augustini frater antonius Rampologus* (de Rampigollis, Ampigollis &c.) *de ianua ordinis memorati salutem &c. Dilectioni vestre conferens postulata &c.* prout in Exemplari manco, quod *Cod. CLXXIX.* indicavi. Praesens integrum est, finitque in Titulo *de X^o.* his verbis: *Mundus inquit aduersus desertores suos. Explicit morale compendium. Incipit tabula.* Haec tamen magnam partem extrita est. Iis, quae ad *Cod. memoratum* dixi, addo, sub diversis titulis, quibus *Codices* et *Sec. XV. Editiones* insignitae sunt, *Biblia Aurea* lat. et germ. *Repertorium, Reportorium, Reportorium Biblie aureum, Figurarum Biblie compendium aureum, Introductorium in biblie Historias figurasque* idem omnino Opus esse, atque a nostro